


New zeytung.
**Die Schlacht des Turckischen
Keyfers mit Ludomico etwan König zu Ungern geschehen am
tag Johannis enthauptung 1526.**

Item des Turcken Veydts brieff/ König Ludomico zugesandt vor der schlacht.

Item eyn eleglicher Sendbrieff so die Ungern dem König ynn Polen zugeschickt nach der Schlacht.

Item erlich new gezeysten aus Polen.

New zeytung vom Babst zu Rom
am xxvj. tag Septembris geschehen 1526.



New zeytung.

Der Ungerische vnd Behemische König Ludouicus / Ist aus gezogen vngewöhnlich mit dreyssig tausent reysigen / vnd mitt etlichen Tausent füs knechten / vnd seynd zwischen Offen / vnd Fünfzehn Kirchen zusammen kommen / Do hat der Turcke eynen vorlorren hauffen / auff zwey Tausent man / lassen / aus eynem tale an den König zihen / Dann der Turcke hatte / das grosse tael eyngenummen / zu den ist der König mit seynem heere gezogen / vnd hat sie alle erschlagen / Dornach bis zu den andern Turcken gezogen / Des verhoffens er wolde sie alle ym lager vmb bringen vnd hat der König alles seyn geschutz lassen abschiessen / Ist aber alles obenhin geflogen / Dem Turcken keynen schaden gethan / darnach ist der König mit seynem heere auff den Turcken gezogen / Do hat sich der Turck ausgebreyt mit seynem heere vnd mit grosser gewalt auff den König gezogen / mehr dann zwey mal hundert Tausent man / vnd mit acht hundert buchsen gros vnde kleyne vnder sie geschossen / vnd des Königes volck ynn die flucht gebracht / yhr bey dreyzehn tausent erschlagē / Das der König kaum vngewöhnlich mit hundert pferden entrandt ist / vnd ym fliehen ynn eynem ganzen kuriss ersticket / Dann er ward geschossen / auch seyn pferth / Das aber der König gewis todt sey / (dem Got gnade) so haben die von Breslau öffentlich auff dem marchte / an allen vier örtern / lassen vorkunden / vnd verbieten / hochzeit / kirmes / Danzen / vnd alle seyten spel.

Die schlacht mit dem Turcken / vnd dem König aus Ungerien / ist geschehen / an Sanct Johannes enthebung / odder am 28 Augusti zu morgens frue vmb sechs angehaben / vnd hat geswert bis vmb drey / auff den abent / vnd ist auff beyden seytten viel volck's todt blieben.

Item der Turcke hat dem König eynn Unger / mehr dann Ixx. grosse buchsen genommen.

Item mehr denn fünff tausent haken buchsen.

Item



Item zehntausent handibuchsen.

Item mehr dann vier tausent wagen.

Item auch etlich hundert klyne schiff auff dem wasser.

Item funff tausent grosse wolbeschlagen schieff darynne
viel volck's gewest ist.

Item etlich tausent man ynn der schiffen die alle erschlagen
sind.

Item der Turcke hat vber .lxx. Tausent böse Christen bey
yhm / Dann die Venediger / der Babest / vnd Franzos / haben
dem Turcken mehr dann .lx. tausent knecht zugeschickt / die ym
gebirge haben gelegen / bey den schwartzen Pawern / auch der
Pawern / seynd viel zu dem Turcken gezogen / die bey den knech-
ten waren zu Salzburg.

Item die knechte vnd Pawern die vmb Wirtzberg lagen /
seyn viel widderumb auff / vnd seyn etlich hundert auff dem
wasser Dunaro / zu dem Turcken gesfahren.

Item viel variaussen Psaffen vnd Mönche ziehen zu dem
Turcken.

Item der Turcke zeihet etlich meylen lang.

Item yhr solt wissen das der Turcke hat mit dem Tattern
eyn gros verbündnis gemacht vnd dem Tattern geschrieben /
das er mit aller macht sol dem Königeynn Polen widder ynn
seyn land fallen / vnd den König ganz vnd gar vorterben / Also
ist der Tatter auff gewest mit viel tausent mannen / ynn Polen
gezogen / vnd grossen schaden gethan / das auch der König mit
sampt der Königin aus Crackaw gewichen vnd gen Margen-
burg ynn Preussen geflogen / dann er hat itzt zur zeyt wenig hul-
ffe widder den Tatter / Der Tatter hat auch viel volck's dem Kö-
ning von Polen hinweg getrieben / Gotterbarme das.

Item am funfzehenden tage Septembris hatt der Turcke
Offen eyngenummen mit grosser gewalt / vnd yhr viel erschla-
gen / vnd do der Turck aus Offen zog do sagte er bey zweytar-
sent Turcken ynn die stad / das sie die stad solten bewaren / Da
aber der Turcke weg kam / do schlügen die burger die Turcken

A ij zu tode

zu tod. Do dem Turcken die Botschafft kam zog er widderumb
auff Offen vnd schlug die burger alle zu tod vnd satzte andere
Turcken doreyn.

Item die Flecken obder die stedtlyn vber der Tunaw hatt es
gar aus gebrant vnd alles volck iumck vnd alt zu tode erschla-
gen auch etlich vorbrant etliche ertrencet Gott sey yhn allen
gendetig

Item als bald e danoch zoch der Turcke auff Presburg
Do santen die burger bey eylff hundert Junckfrauen dem Tur-
cken entkegen vnd liessen den Turcken vmb gnade bitten also
nam der Turcke die bete an aber die iumckfrauen musten alle im
heere bleyben Dann der Turcke gab befehl man solde sie heysen
ynn das heer gehen do worden die iumckfrauen gemeynglich
alle zu schanden gemacht vnd wilthe nicht yhren wollen wol-
ten thun die worden alle erstochen also das sie schier alle erschla-
gen worden Dornach zog der Turcke mit grosser gewalt ynn
die stadt vnd lics yhr viel koppen vnd erstechen vnd besetzte
die stad mit seynem volcke Dornach gedacht er auff Wyen zu
ziehen aber als man saget ist es vorblieben

Item die Koenigin von Ungern nach dem als yhr Herr tote
was lies sie yhr Koeniglichen schmuck als Eleyder Eleynet vnd
ander gerecht aus Bressburg gen Offen holen aber die vngern ha-
ben yhr dasselb alles genommen Darzu die Koenigin ynn das
Schlos zu Offen Ehe dann es der Turck erobert nicht kom-
men wollen lassen

Des Turckischen Keyfers veinds brief widder den Koenig aus Ungern.

Er Turckisch Keyser vnd dur-

D chlauchtigst sohn Machameti Koenig zu Babilonien
Koenig der Samariter Koenig der etamiter Koenig zu
Persien Koenig der Moabitern Koenig ynn Egypten vnd eyn
hutter der dreyer wasser eyn vorweser obder probst des yrdi-
schas

schen Paradies vnd eyn schutzer des gräbes des gecreutzigsten
vom auffgange bis zum middergang der Sonne / eyn König
über alle Könige vnd eyn Herre aller herschender / eyn Fürst aller
Fürsten / eyn eyning kleydt des grossen Gottes Sabaoths vnd
Nachameti von Sardonien / vnd yr Radtegeber / vnd eyn vors
volger des Christen glaubens zc.

Dem durchlauchtigsten Fürsten vnd Herren Ludomico König zu Ungern / Beystgmeteyt eyn König der Turcken / grüst dich / vnd izt das du weyst / demnach vorhanden ist / die zexten
ser feyndschafft / das wir ynn dem ersten vnserm eynguge / die dei
nen haben erobert / vnd begerst mit uns zu streytten / das wir vor
stehen / das du weyst / das wir den halben teyl der welt vnder
worffen haben / mit unsam gewalt / vnter vnser herschafft / der
halben wir furgewomma / vnd wollen die Grenze / vnser hers
chafft machen / bis zum ende der welt. Ist dir nicht ynn dein
gemute gefallen / odder gedencket du nicht / das ich aus meyner
schos so viel vormag / das ich widder deyne ganze gewalt streyt
ten kan / Vnd weys noch wol als ich deynet Grossmechtickeyt
hab gemelt / viel reych meyner herschafft vnd gewalt hab vnter
worffen / vnd sche deyn reych an wie eyn stall / kegen den reyhen
so mir vnterworffen / mit welcher erbschafft bin ich vnd deyn
reych. Dann es ist mir für augen / so ich dem nach nicht ynn den
selben gegen heyten gewest bin / sondern schlecht hinweck zu re
den / so ich überwunden vnd erobert habe / deyne grosse stadt /
wil ich mit meyner grossen gewalt anfechten Offeneyt namen /
vnd selbst persönlich wil ich dich mir zu eynem pfand haben /
vnd deynen glauben / den du mit den deynen helts vnd des ge
creutzigsten wil ich gentlich aus leschen / vnd über das deynet
ordenung vnd dem Christen glauben eyn stilschweyung ma
chen.

A ij Vnd dey

Vnd deyner zwen widdern mich wil ich nicht furchten/vnnd
die fetten fursten deyne diener wil ich ynn die Joge spannen/
vnd den glauben den sic zu gleych mit dir haben/wil ich ynn der
hoehe von dir nemen so lange bis ich auff eym roste beym fenger
dich auff opffer/vnd an die pfele stecke/vnd sie henge vnnd also
vortzere vnd hymneme Auch nicht alleyn dich/sonder auch die
anderen/so aldo seyn vnder deyner gewalt/vnd solt vorstehen die
deutschen/also dich/vnd mehr dann dich wil ich besuchen/das
ander so zu thun gedenc/vrsach halben/wil ich dir nicht schrei
ben. Gegeben zu Belgradt.

Am tage Sanct Johannes enthebung ist die schlacht ge-
west/vnbs zwey vnd zwentig hora am ganzen zeyger/ Item
dinstag fur der Weychfasten acht tag hat der Turck Offen eyn-
genommen mit gewalt/Ist starck zu wasser vnd land bis ynn
zweymal hundert tausent/hat acht hundert buchsen bleyn vnde
gros/hat dem Koenig zu Ungern vnd Behmen/genomen si-
benzig bis ynn achtzig gros geschos/vier bis ynn funftau-
sent hachen buchsen/zehn tausent handtoren/vier tausent wa-
gen/etlich hundert schiff/bis ynn funftausent beschlagen schi-
esse/ist der Koenig etwan .xxx. tausent starck gewest.

Nachfolgen die am kriege vor-

blieben/Was herren gewest seyn/2c.

Koenig von Ungern vnd Behmen.

Bischoff von Grone. Bischoff von Sunffkirchen.

Bischoff vom Marathin. Bischoff von Agren.

Bischoff von Raub. Bischoff von Sinigken.

Graff George von Drenigk. Stephan Schlick.

Albrecht von Guttensteyn. Ulachzeschki.

Schywitz. Kubonig. Balthasar Hairwitz.

Draffi Johan. Anthoniuss Polack. Gabriel Berthum.

Thomas Steyge. Johan Palchki.

Wolff von Euersdorff. Stephan von Dorme.

Reyberitz. Joannes Martinus gebruder.
Der herre von Bascharode. Heynrich Kuchenarver.
Muzschma. Herr Troiko Hauptman.
Wilhelm vnwerth. Pfeffkate Michel.
Peter Baraschky hoffmeyster. Steffan Aryll.
Michel Buthmenichky. Ladislaus Fors.
Michel Reysser. Franz Erstick. Joannes policha.
Gabriel Bral der Königin hoffmeyster. Blasius Subsack.
Gros Anthomij. Bicolai Josaw.
Bastian Bassare. Franz Thoraschky.
Vnd viel andre mehr die alhyt
nicht vorzeychent.

Eyn Gendebriff der Ungern ynn welchen angezeigt wird / dem durchlauchsten hochgeborenen Fürsten vnd Herren / Herrn Sigismundo König ynn polen/ wie der grossmächtig Ludovicus etwan König ynn Ungern mit tod vorblieben.

Dorner Fürst gnediger Herr / nach den ewer König-
liche Maiestat vns angelangt / vnd vormant das wir
nach dienst vnd pflicht / mit radt vnd hulff / vnsrem durch-
lauchtigisten Herrn vnd ganzen reych ynn Ungern zu hulff ko-
men solten / daran thut ewer Maiestat nicht vnbillich / Erstlich
kegen Gott vnsrem Herren / zum andern kegen gemeynem
Christlichen nutz / Wehn wolt doch eyn solche grosse ferlickeyt
als ytzund vorhanden / nicht vormanen. Wer wolt doch der
seynen / odder seyn er guetter / ynn eynen solchen zweyffelhaftis-
gem ausgang / Turckisches kriegs / nicht forchten. Wir haben
beschrieben vnsrer heere / vnd musterung gehalten / vnd eyn aus-
zug widder den Turcken vorordent darzu allerley werckzeug /
welcher zum krieg gehörig / mit vleys zugeschickte / vnsrem König / vnd Königreich ynn Ungern / hulffe zuthun / die weyl vns
so eyn

So eyn schlimme/Christliche botschafft zu kommen/des vt-
glückseligen/yamers vnd entpfangens schadens/vom Turcken
zugewant. Itemlich das wir vnsers Königs/aller herschafft
land vnd leut/leyß vnd gut/beraubt seyn/vns ist auch ynn sol-
chen schrifften angezeiget worden/wie der reuertend hund/der
Turckisch Keyser/weyt vnd breyt land vnd leute mit Buchsen
fewer/hunger/vnd anderem yamer verftört vnd verwuft/vns
ist auch angezeigt worden/wie er die Königliche stadt Offen
überfallen/vnd alles darym ermord/vnd so vngütlich gehan-
delt/das er auch drey/vnd zwey yerigen kindern nicht verschont
O wee des grossen yammers. O wee der verenderung der Koni-
ge/vnd aller ding/welche ytzund geschehen/das wir so yeminer
lichen/den aller vnschuldigsten vnseren Könige/ welcher so ge-
waltiglich fur seyn vaterland/fur den ganzen Christlichen ge-
meynen nutz/seyn leyß vnd leben da gestreckt/vorloren ha-
ben/welcher nie keyns bluts schuldig worden/vnnd doch seyn
Blut vmb Christliches glaubens willen/vergossen. Welcher
auch vor erlich angesehen/vmb glaubens vnd vaterlands wil-
len sterben/Wir haben auch das Edel land Ungern/welches
mit aller notorfft wol versehen war/gantz vnnd zar verlornt/
Wir seynt auch durch solchen vnsal/So hefftig vnnd gros er-
schreckt/das wir auch nicht wissen/ was wir thun odder lassen
sollen/all vnsrer hoffnung/heyl vnd trost/ist vns mit disem Kō-
nig entfallen/wir werden auch fort an von tag zu tag/yhe me-
her vnd mehr/mit betrübnis beladen/vns wirdt auch (das
Gott erbarme) yammer vnd not vnder augen gestelt/Die wil-
num ewer Königliche Maiestat/solch yammer/gleich so wol
als vns/betrifft/So bitten wtr/von wegen des vorsterbenen
vnsers Königs/gantz vleyssig vnd demutiglich/ewer Königli-
che Maiestat/woll solchen sale Christliches gebluetes/vmb ge-
meynes nutz willen widderumb helffen auffrichten/vnd vns ge-
nediglich zu hulffe kommen/vnd von wegen vnsers verstorbe-
nen Königs (E. R. M. ym gebluete vorwantt) auch aller
Christlichen Fürsten/euch widderumb rechen/vnnd dem blutt-
durftigen

durstigen wutterisch/ den Turcken / widerstandt thun dargu
so viel wir vormögen/ vnd ynn uns seyn wird/ wollen wir E.
B. M. willig vnd gerne dienen/ auch leyß vnd leben/ vnd alles
wir: s wir haben darstrecken/ alleyn das wir den grausamen von
tericht vnd versolger/ der Christen den Turcken/ vertreyben mö-
gen/ welcher sich vnderstanden alles Christliches blutt zuvergi-
essen/ auch allen Christlichen glauben (da Got vor sey) unter-
zu drucken vnd aus zuutilgen/ E. B. M. woll behertzigen vnd
betrachten das solch boshaftig vornamen des Turckens key-
nen fort gang gewinnen möchte/ wo mit wir E. B. M. gna-
den wolgesfallen beweisen möchten sind wir alzeyt gehorsam.

New zeyttung aus Polen Soeyn gut freund dem andern zugeschrieben hat.

Ich las dich wissen lieber freundt

das der Turck von presburg ist gezogen/ ynn meynung auff
Wyen zu ziehen/ vnd die stad zuerobern/ aber als man sage/ hatt
er sich abgewandt/ vnd ist willens mit grosser macht vnd ster-
cke/ ynn Merhern zu ziehen/ dasselbige land gedenckt er ganz
vnd gar zuuerterben vnd auszuutilgen/ vnd alles volck tote zu
schlahen/ vom iungsten bis zum eltesten (Gott woll yhn sey-
nen willen brechen) Dann er kan das land nicht alles mitt sey-
nen volck besetzen.

Item er lefft seynem kriegs volck alles was sie gewinnen von
golt silber/ gelt vnd ander farender hab/ sonder Stedt/ Schlo-
sser vnd dörffer behelt er für sich/ vnd müssen yhn die leut hul-
den vnd schweren/ die sich an yhn geben/ Und lauffen yhn viel
ausgelauffen Mönch vnd Pfaffen zu.

Item so der Turcke das land Merhern ganz vnd gar aus-
gerott hat (wie er gedenckt zu thun) Dornach wil er ynn die
Schlesien ziehen vnd yhn dasselbige land auch entterwerffen
vnd gehorsam machen/ Gott woll es vorhutten.

Item die von Breslaw nemen knechte an/ vnd rüsten sich
auff das sterckist so sie können/ dann sie gedencken sich des Tur-
ckens zu weren.

B New zeyt

New zeyttung vom Babst zu Rom
welche am. xxvij. tag Septembris geschehen/ vnd von Rome
gen Augspurg geschrieben worden/ . 15 2 6.

Offdato ist eyn Post aus Ita

A lien kommen/ gebracht neue zeyttung wie das/ Dona-
godinoncado eyn gewaltiger Furst/ vnd der Cardinal
de Columna/ ym R. M. namen/ ym Königreych Neapolis/
vnd sonst auch etliche viel tausent man zu rosse vnd fuisse zusammen
gebracht haben/ vnd vniuerschen ym Rome eyngesallen/ der
Venediger Bot schafft gesangen mit sampt dem Babst/ vnd den
pallast/ mit sampt dem grossen vnd schönen gebude/ belliuindere
eyngenommen/ vnd alles was der Babst/ ym Rome vnd vmb
Rom hat/ haben sie geplundert/ Auch viel Cardinal geplundert
vnd habens alles wollen verbörnen/ Aber es ward fride auffge-
nommen/ auff drey Monat/ mit dem Babst/ Also das der Ba-
bst alles seyn kriegs volck vmb Meyland/ vnd ynn allen andern
orten/ hat abgesordert. Dartzu hat der Babst den knechten drey
sig tausent Ducaten müssen bar über geben/ vnd sich R. M.
vmb dreymal hundert tausent Ducaten auff erzliche zil vnd zeytt
zubezahlen vorschrieben. Des etliche Cardinal vnd herren/ den
Babst vorwand R. M. zu pfand gesetzt/ die haben sie alle mit
yhn hynweg gefurt/ Vnd man vorsicht sich eygentlich sie seind
fort auff Meyland zugezogen. Darneben saget man auch/ das
sich Cremona den Venedigern ergeben hab. Man handelt albie
zu Augspurg ganz sere ynn der sache/ vnd nimpt knechte auff/
wod schickt sie dem Kreyser ym Italien wider den Franzosen
vnd seynen anhang.

